



Catoira, 17 de xuño de 2024

Don Fernando San Martín Zamácola, coma director do CPI PROGRESO,

INFORMA DOS SEGUINTES PUNTOS DE INTERESE SOBRE O **SERVIZO DO COMEDOR ESCOLAR:**

- **Publicouse a Instrución 1/2024** da Secretaría Xeral Técnica da Consellería de Cultura, Educación e Ordenación Universitaria, sobre o funcionamento dos comedores escolares de xestión directa no curso escolar 2024/25.
- **Lugar de Presentación:** Poderán presentar o **Modelo de Autodeclaración na Secretaría** en horario de **09:00 a 13:40 h** (No caso de que non poidan acudir neste horario, deberán solicitar cita no correo electrónico do centro ou chamando ao tfno: 886159201).
Poderán presentar as solicitudes no Correo electrónico do centro, sempre que estean debidamente asinadas: [**cpi.progreso.catoira.centro@gmail.com**](mailto:cpi.progreso.catoira.centro@gmail.com)
- **Prazo:** O Modelo de Autodeclaración poderáse presentar **ata o 10 de Setembro. O Centro permanecerá pechado dende o 13 de xullo ata o 31 de agosto.**
- Mediante dito **Modelo de Autodeclaración** que se achega os adultos que exerzan a patria potestade, a tutela ou o acollemento familiar de ditos alumnos autodeclararán as circunstancias de carácter persoal e de renda neta per cápita familiar correspondente ao exercicio fiscal **2023**, anterior ao ano actual,consecuientemente, determinarán a contía do prezo público que lles corresponde abonar, de acordo cos tramos fixados no citado Decreto.
- **IMPORTANTE:** Non será necesario escribir os valores de “X”, “Y” e “X/Y”. Só se precisa que anotes a **casía de Aboamento** que vos corresponda. 0€/día, 1€/día, 2,50€/día ou 4,50/€ por día.
- Se houberse **unha situación de paro, de duración superior a seis meses, continuados e** acreditada, de calquera membro da unidade familiar, poderíase durante o curso escolar axustar os importes.

Asdo.) Fernando San Martín Zamácola



EXPLICACIÓN PARA CUBRIR O ANEXOII DE AUTODECLARACIÓN

- A) **Valor da “X”**, hai que **calcular** o valor das sumas e resta das casiñas da fórmula.
- B) **Valor da “Y”** número de membros da unidade familiar.
- C) **Valor de “X/Y”** obtense da división dos valores antes calculados.

Posteriormente marcaremos cunha cruz a Casiña correspondente, tendo en conta o resultado anterior.

Aproveitamos para dar resposta as diferentes dúbidas que nos foron facendo chegar a esta dirección, e que consultamos a Santiago.

1. Para calcular o valor de “X” para determinar a renda anual familiar hai que sumar as rendas obtidas por todas as persoas que integran a unidade familiar.

Nesta operación poden presentarse varias situacións:

- Unidades familiares nas que ambos cónxuxes, ou calquera outro integrante dela, perciben rendas e teñen a obriga de presentar a declaración anual do IRPF. Neste caso, o importe da renda familiar resultará das sumas e restas das casiñas indicadas (Casiña 435 + Casiña 460 – Casiña 595), que se obterán de cada declaración, se foron presentadas individualmente -que é o habitual- ou ben, da declaración conxunta.

- Unidades familiares nas que ambos cónxuxes perciben rendas pero só un deles ten a obriga de presentar a declaración. Neste caso, a obtención do importe da renda familiar resultará das sumas e restas das casiñas indicadas, para o membro da unidade que presentase **declaración do IRPF** (Casiña 435 + Casiña 460 – Casiña 595) máis o importe que resulte, para o outro integrante da unidade familiar, segundo os seus datos fiscais que deberá solicitar, se non dispón deles, para realizar o cálculo dos seus ingresos, sumando os importes das casiñas correspondentes a retribucións dinerarias e intereses e restar os importes das casiñas cotizacións seguridade social, retencións procedentes do traballo e retencións procedentes do capital mobiliario.

- Cando ambos cónxuxes perciban rendas pero non teñan obriga de presentar declaración da renda ou ben cando o cónxuxe ou os cónxuxes non perciban renda ningunha suxeita a tributación no IRPF. Neste supostos, os interesados deberán consignar os seus datos fiscais do mesmo xeito que no especificado no apartado anterior para os membros que non presentasen declaración do IRPF.

-Cando unha casiña non apareza na declaración da renda, esta valerá cero.

2. Para calcular o valor de “Y”, teremos en conta:

“Aos efectos do IRPF, existen dúas modalidades de unidade familiar:

.- **No caso de matrimonio:** A unidade familiar está integrada polos cónxuxes non separados legalmente e, si os houber:

a) Os fillos menores, con excepción dos que, co consentimento dos pais, vivan independentemente destes.

b) Os fillos maiores de idade incapacitados xudicialmente suxeitos á patria potestade prorrogada ou rehabilitada.

A maioría de idade acádase ao cumprir 18 anos, sempre tendo en conta que se refire a antes do 31 de decembro de 2023.



.- **En ausencia de matrimonio** ou nos casos de separación legal:

A unidade familiar está integrada polo pai **ou** pola nai e a totalidade dos fillos que convivan co pai **ou** coa nai e reúnan os requisitos da modalidade anterior (os supostos a) ou b) do apartado 1). Polo tanto:

- Calquera outra agrupación familiar, distinta das anteriores, non constitúe unidade familiar a efectos do IRPF.

- Ninguén pode formar parte de dúas unidades familiares ao mesmo tempo.

- O número de membros da unidade familiar realizarase **atendendo á situación existente o día 31 de decembro de cada ano**. Polo tanto, si un fillo cumprira 18 anos durante o ano, xa non formará parte da unidade familiar nese período impositivo. Tampouco formarán parte da unidade familiar o membro que falecera durante o período impositivo.

- Nas parellas de feito só un dos seus membros (pai ou nai) poden formar unidade familiar cos fillos que reúnan os requisitos anteriormente comentados. O mesmo criterio é aplicable nos casos de separación ou divorcio con garda e custodia compartida.”.

-En canto a os fillos maiores de 18 anos sexa cal sexa a súa situación, non contabilizan á hora de calcular o número de membros da unidade familiar.

3. Serán sempre usuarios gratuítos do comedor o alumnado que están nas seguintes condicións:

-Os alumnos pertencentes a unidades familiares que se atopen en situación socioeconómica de exclusión social certificada polos servizos sociais autonómicos ou municipais correspondentes.

-Os alumnos que se atopen en situación de acollemento residencial ou familiar.

-Os alumnos cun grado de discapacidade declarado igual ou superior ao 33%.

-Os alumnos pertencentes a unidades familiares vítimas de terrorismo ou de violencia de xénero acreditada documentalmente.

-Os alumnos pertencentes a unidades familiares cunha renda familiar anual neta per cápita inferior a 7.000 €.

Reciban un cordial saúdo, e xa saben que para calquera aclaración poden pasar polo centro, que lles axudaremos na medida do posible.

Asdo.) Fernando San Martín Zamácola



A renda neta per cápita familiar obterase como resultado de realizar os seguintes cálculos en base á declaración da renda do exercicio 2023:

1. Sumarase a base imponible xeral coa base imponible do aforro.
2. Deste resultado restarase a cota líquida resultante da autoliquidación.

Segundo isto, a renda familiar para os efectos da autodeclaración é o resultado da facer as seguintes operacións coa declaración do IRPF:

casíña 435 + casíña 460 – casíña 595

O resultado obtido dividirase polo número de membros que forman parte da unidade familiar.

O concepto de unidade familiar será o definido na normativa do IRPF.

Aclaracións para determinar correctamente a renda anual familiar

Para determinar a renda anual familiar hai que sumar as rendas obtidas por todas as persoas que integran a unidade familiar. Nesta operación poden presentarse varias situacións:

- Unidades familiares nas que ambos cónxuxes, ou calquera outro integrante dela, perciben rendas e teñen a obriga de presentar a declaración anual do IRPF. Neste caso, o importe da renda familiar resultará das sumas e restas das casíñas indicadas, que se obterán de cada declaración, se foron presentadas individualmente -que é o habitual- ou ben, da declaración conxunta.

- Unidades familiares nas que ambos cónxuxes perciben rendas pero só un deles ten a obriga de presentar a declaración. Neste caso, a obtención do importe da renda familiar resultará das sumas e restas das casíñas indicadas, para o membro da unidade que presentase declaración do IRPF máis o importe que resulte para o outro integrante da unidade familiar que non presentou declaración do IRPF, segundo os seus datos fiscais que deberá para realizar o cálculo dos seus ingresos, sumar os importes das casíñas "retribucións dinerarias" e "intereses" e restar os importes das casíñas "cotizacións seguridade social", "retencións procedentes do traballo" e "retencións procedentes do capital mobiliario".

- Cando ambos cónxuxes perciban rendas pero non teñan a obriga de presentar declaración da renda ou ben cando o cónxuxe ou os cónxuxes non perciban renda ningunha suxeita a tributación do IRPF. Nestes supostos, os interesados deberán consignar os seus datos fiscais do mesmo xeito que no especificado no apartado anterior para os membros que non presentase declaración do IRPF.